

HEILBRON

HERALD

IF IT'S NOT IN THE HERALD, IT IS ONLY A RUMOUR

Toename in misdaad weekkommer in Heilbron

Die afgelope tyd is daar toenemende kommer oor misdaad in Heilbron, met verskeie voorvalle wat die afgelope maande plaaslike inwoners en sakeondernemings geraak het.

In die jongste voorval is daar gedurende Woensdagoggend vir die vierde keer by Bekof se koffiewa by Wentworth Square ingebreek. Die eerste inbraak vroeër vanjaar het die onderneming meer as R50 000 se verliese besorg. Onder die gesteelde items was onder meer koffiebone en die onderneming se betaalpunt.

Na die eerste voorval het Bekof 'n plaaslike sekuriteitsfirma betrek en kameras en 'n alarm laat installeer. Ten spyte van hierdie maatreëls is daar 'n tweede keer by die koffiewa ingebreek. Ogies is toe geïnstalleer en nou het die onderneming vir die vierde keer onder dieselfde probleem deurgeloop.

Die voorval staan egter nie op sy eie

nie. Sowat drie weke gelede is twee sonpanele van School of Destiny se dak gesteel, terwyl 'n plaaslike onderneming ongeveer drie maande gelede gedurende die nag die teiken van 'n gewapende rooftog was.

Tydens dié rooftog het twee persone die onderneming binnegestap. Een van die bestuurders is glo met 'n vuurwapen teen die kop aangehou, terwyl 'n ander persoon vasgebind is. Die aanvallers het kontant geëis voordat hulle die toneel verlaat het.

Die plaaslike voorvalle kom te midde van 'n waarskuwing deur Vrystaat Landbou (VL) oor 'n toename in misdaadinsidente in verskeie dele van die Vrystaat. Volgens VL se veiligheidsrisiko-analis, dr Jane Buys, week die aard en omvang van die jongste insidente kommer, met verskeie voorvalle wat op soortgelyke werkswyses dui.

Vrystaat Landbou wys daarop dat die



breër misdaadpatroon onder meer diefstal van koperkabels, transformators, sonkragpompe en -panele, asook vee- en graandiefstal insluit. Die organisasie doen 'n beroep op gemeenskappe om paraat te wees en verdagte aktiwiteite en misdaadinsidente onmiddellik by die SAPD en plaaslike veiligheidstrukture aan te meld.

Die herhaalde voorvalle in Heilbron laat toenemend vrae ontstaan oor die veiligheid van plaaslike ondernemings en inwoners. Vir sake-eienaars beteken

elke inbraak nie net die verlies van eiendom nie, maar ook moontlike inkomsteverlies en die koste om skade te herstel. Intussen groei die gevoel van onveiligheid onder inwoners.

Die jongste voorvalle beklemtoon daarom die belangrikheid van samewerking tussen die gemeenskap, plaaslike sekuriteitsmaatskappye en die polisie. Slegs deur saam waaksaam te wees, verdagte aktiwiteite aan te meld en daadwerklik teen misdaad op te tree, kan die toenemende probleem hokgeslaan word.

Een skaap, baie harte, Heilbron staan saam

Daar is min dinge so mooi soos 'n gemeenskap wat saamstaan wanneer iemand dit die nodigste het. Hoërskool Heilbron se Netbaldag, wat op 15 Augustus plaasgevind het, het gewys dat omgee nie net in woorde lê nie dit word in daade gewys.

Tydens die dans is 'n skaap opgeveil, en Johan Conradie van die Sasolburg-Deneysville-omgewing het die skaap vir R3 500 gekoop. Maar hy het nie daar gestop nie. Met 'n oop hart het hy

besluit om die skaap te betaal én dit terug te gee sodat dit weer opgeveil kon word, met die hoop om nog meer geld vir dié goeie doel in te samel.

Die skaap het eintlik sy eie besondere storie. Dit is deur Faan Potgieter geskenk nadat hulle dit tydens die skool se lootjieverkope gewen het. Hulle het besluit om die skaap weer te skenk, sodat dit 'n verskil in iemand anders se lewe kon maak.

Jacques Jansen van Rensburg, 'n Heilbronner, het die skaap toe weer vir R3 500 gekoop, na Conradie hom terug geskenk het. Sô is R7 000 binne 'n kort tydjie ingesamel – alles vir Leandri Els, 'n leerder wat 'n knie-operasie moet ondergaan nadat sy tydens 'n skoolaktiwiteit beseer is.

Agter die geld is daar 'n storie van mense wat omgee. Van Faan en Samantha wat iets wat hulle gewen het, weer weggee het. Van Johan

wat, nadat hy die bod gewen het, besluit het om die skaap terug te gee. En van Jacques wat weer sy hand opgesteek het om 'n bydrae te maak.

BKB het weereens die veiling aangebied en gehelp om hierdie besondere oomblik moontlik te maak.

Want soms is dit nie die groot gebare wat 'n mens die meeste raak nie, maar die eenvoudige besluit om iets wat jy het, weer te gee – sodat iemand anders 'n bietjie hoop kan kry.

VKB Heilbron BIRTHDAY BASH
28 - 29 August 2026
Plot 1668, Plaas Moorville Heilbron, 9650

Follow the following link to be part of the VKB "My Heilbron" townproject!

For more information contact:
Pieter Bronkhorst - 058 852 3499

FRANKFORT WEEKLIKSE VEILING
Donderdae - Royal Auction Centre

Vir kraalbesprekings en inskrywings, skakel:
Stiaan Smit: 067 596 2491

Waar sake elke keer, die eerste keer, reg gedoen word!

Johnny Claassen - 082 779 3417

Vir al jou chemie en kunsmis behoeftes!

Eben Claassen - 072 581 7627

Nuus uit Ringerstraat Jeugsorgsentrum

Internasionale Hondedag – Honde: Meer as net ’n troeteldier – ’n bron van liefde, troos en emosionele ondersteuning

• Elmarie Els-Hammann

Op 26 Augustus vier die wêreld Internasionale Hondedag – ’n dag waarop ons die besondere rol van honde in mense se lewens vier. Honde is bekend vir hul loyaliteit, liefde en onvoorwaardelike aanvaarding, maar vir baie mense is ’n hond veel meer as net ’n troeteldier. Hulle is ’n familielid, ’n vriend en soms selfs ’n bron van emosionele ondersteuning. In ’n wêreld waar baie mense stres, eensaamheid en emosionele uitdagings ervaar, speel honde ’n waardevolle rol. Die eenvoudige teenwoordigheid van ’n hond kan ’n gevoel van rustigheid en veiligheid bring. ’n Hond luister sonder om te oordeel, bly naby wanneer iemand hartseer is en bied liefde sonder voorwaardes.

Die terapeutiese waarde van ’n hond
Die band tussen mens en hond het ’n

besondere terapeutiese waarde. Om ’n hond te streel, met hom te speel of net rustig saam met hom te sit, kan help om spanning te verminder en ’n gevoel van kalmte te skep. Vir mense wat deur moeilike tye gaan – soos verlies, verandering, trauma of eensaamheid – kan ’n hond ’n belangrike bron van vertroosting wees. ’n Hond kan ’n mens help om weer ’n daaglikse roetine te hê, omdat die dier afhanklik is van versorging, aandag en liefde. Baie mense ervaar dat hul hond hulle motiveer om op te staan, buite te gaan, te beweeg en weer kontak met die wêreld te maak. Die verantwoordelikheid om ’n hond te versorg, gee ook ’n gevoel van doelgerigtheid en verbondenheid.

Honde en kinders – ’n verhouding wat leer en genees
Kinders kan groot voordeel trek uit ’n liefdevolle verhouding met ’n

hond. Deur ’n hond te versorg, leer kinders belangrike lewensvaardighede soos verantwoordelikheid, geduld, empatie en respek. Vir kinders wat moeilike ervarings beleef het, kan ’n hond ’n veilige metgesel wees. ’n Hond kan ’n kind help om emosies te verwerk, selfvertroue te ontwikkel en die ervaring van onvoorwaardelike aanvaarding te beleef. In baie gevalle word honde ook gebruik as deel van terapeutiese programme by skole, hospitale en sorgsentrums. Die teenwoordigheid van ’n hond kan kommunikasie vergemaklik en mense help om meer ontspanne en veilig te voel.

Praktiese voordele van honde in ons gemeenskappe
Die voordele van honde strek verder as emosionele ondersteuning:
• Honde bevorder ’n gesonder leefstyl:



Daaglikse stap en speelyd met ’n hond moedig beweging aan en gee mense die geleentheid om tyd in die buitlug deur te bring.

- Honde bring mense bymekaar: ’n Hond kan maklik ’n gesprek begin en help om sosiale bande tussen mense te versterk.
- Honde bied ondersteuning tydens moeilike oomblikke:
Baie honde het ’n natuurlike vermoë om aan te voel wanneer hul eienaar hartseer of gespanne is en bied dan hul stil teenwoordigheid as troos.

Liefde vir ’n hond beteken verantwoordelikheid:

Hoewel honde soveel liefde en ondersteuning aan mense gee, moet ons onthou dat hulle ook sorg en beskerming nodig het. ’n Hond is nie net ’n dier wat ons liefde gee nie – dit is ’n lewende wese wat afhanklik is van ons verantwoordelikheid. Verantwoordelike honde-eienaarskap beteken dat honde voldoende kos, vars water, veilige skuiling, veeartsenykundige sorg, inentings, oefening en liefde ontvang. Sterilisasie speel ook ’n belangrike rol om ongewenste werpsels te voorkom en dierewelsyn te bevorder. Vir mense wat dit oorweeg om ’n hond aan te skaf, is aanneming by ’n dierebeskermingsorganisasie of skuiling ’n wonderlike opsie. Daar is baie liefdevolle honde wat wag vir ’n tweede kans op ’n veilige en sorgsame huis.

Internasionale Hondedag herinner ons daaraan dat die verhouding tussen mens en hond besonders is. Honde gee vir ons geselskap, vreugde en emosionele ondersteuning – en in ruil daarvoor verdien hulle ons sorg, respek en liefde. Deur goed na ons diere om te sien, bou ons nie net beter lewens vir ons troeteldiere nie, maar ook ’n meer omgee- en deernisvolle gemeenskap. “’n Hond se liefde ken geen oordeel nie. Deur verantwoordelike versorging gee ons terug aan die diere wat soveel vreugde, troos en emosionele ondersteuning in ons lewens bring.”

UIT DIE PEN:

Week 35

Daar is selfhelpboeke oor min of meer enige tema. Ek het vir ChatGPT gevra waar die gaping in die mark tans is. Hier is ’n paar temas, direk uit die KI per se bek, indien jy graag die selfhelpmark wil betree met jou splinternuwe boek:

Hoe om ’n gewone lewe goed te leef.
Hoe om middelmatig te wees.
Hoe om as volwassene ’n goeie vriend te wees wanneer almal besig is, verhuis, trou of kinders kry.
Hoe om afguns teenoor jou vriende te hanteer wanneer jy baie beter is as hulle.
Hoe om op te hou om jou lewe voortdurend te probeer verbeter.
Hoe om ’n beginner te wees sonder om dom te voel.
Hoe om ’n vervelige werk en ’n vervelige verhouding te hanteer.
Hoe om met onsekerheid saam te leef sonder om voortdurend te probeer oplossings vind.
Hoe om opreg bly te wees vir iemand vir wie jy in die geheim gegrief voel.
Hoe om op te hou om interessant te probeer wees.
Hoe om te leef wanneer jy geen groot droom het nie.
Hoe om sukses te hanteer as sukses jou nie gelukkig maak nie.

Dis interessant dat bogenoemde boeke oor middelmatigheid handel. Nie om jouself aanmekaar te laat beter word nie. Teenstrydig met die boeke wat tans te koop is. Almal wil slimmer, beter, maerder, vinniger, mooier en jonger lyk en voel.

Maar ’n ander boek wat ek nog nie gesien het nie, is hoe om te rou. Oor hoe om jou hart uit te huil, en om uiteindelik vrede te kry. ’n Boek wat vir jou ’n tydlyn stel oor wanneer jy kan huil, hoe jy moet huil, hoe lank jy kan huil. Die naaste wat ons daaraan kom, is die 5 stappe van rou.

Daar is gewoonlik ontkenning en skok. Jy voel dat die nuus nie die waarheid kan wees nie, en glo nie wat gebeur het nie.

Jy raak kwaad. Woedend. Jy is kwaad vir ander mense, dalk kwaad vir die persoon wat die seer veroorsaak het. Jy kan ook kwaad voel vir die Here.

Daar is die onderhandelingsfase. Jy vra jouself die vraag af: Wat as? Wat as ek meer gebid het? Wat as ek meer aandag aan die persoon gegee het?

Jy kan ook baie terneurgedruk voel en depressie ontwikkel. Jy voel magteloos, hartseer, fisiese pyn en leeg.

Uiteindelik kom aanvaardig, waar jy vrede maak met die verlies.

Bogenoemde fases kom nie altyd in dieselfde volgorde nie. Dit kom soos dit kom.

Onlangs is die pa van ’n kollega dood. Sy het pas by die werk aangekom toe sy die oproep ontvang. Sy het opgespring en geskree, in trane uitgebars. Sy hardloop toe in iemand se kantoor in, val neer op ’n stoel, slaan op die tafel en stamp haar voete op die grond. Sy was die hele tyd hysteries.

Vir my was dit baie vreemde gedrag.

Uit kleintyd kan ek onthou dat daar mense is wat inmekaargesak het wanneer hulle ’n doodstyding kry. Ek kan onthou dat ons by my ouma Swanepoel se begrafnis was. Die lykswa het by die kerk onder die bome parkeer. My ouers en ek het nader gegaan om na haar te kyk. My ma se bene het onder haar ingevou. Dit was die enigste keer wat ek gesien het dat iemand inmekaarsak.

Terloops, ek sien die media praat deesdae daarvan dat iemand “ineengestort” het, nie inmekaar gesak nie. Dis mos ’n gebou wat ineens stort, nie mense nie. Synde ek nie ’n taalpraktisyn is nie, kan ek nie

kommentaar lewer oor die regte woord nie.

Iedergeval. My kollega is na haar ma toe. Die volgende dag stuur sy vir my ’n boodskap dat haar ma nie kan beweeg nie. Haar knieë en haar heupe wil nie werk nie. Sy kan ook nie haar arms beweeg nie.

Later laat weet sy dat haar ma in die hospitaal opgeneem is, dus neem ek aan dat haar toestand ernstig was.

Toe ek nog in my Oos-Vrystaatse dorpie gewoon het, is ek en twee vriende na ons bediende se begrafnis. Tydens die diens moes ons ook iets sê, heeltemal onverwags. Ons al drie het sommer so om die beurt gepraat.

Terwyl ons praat het daar, vlak voor ons, twee seuns op die grond geval. Dit het gelyk of hulle epileptiese aanvalle kry. Vier groot mans het die seuns uit die kerkgebou gedra.

Toe ons later by die graf kom, het dieselfde gebeur. Een persoon het geval en het sommer, sonder enige seremonie, ’n spatsel water in haar gesig gekry.

Dit het my laat dink oor rou, en hoe ons rou. Die ou mense het gewoonlik swart gedra. As jou kind dood is, het jy vir ’n jaar swart klere gedra. Die mans het meestal ’n swart rouband oor hulle bo-arm gedra. Ek kan onthou dat my destydse kêrel ’n rouband gedra het net nadat my sussie dood is.

My ouma het die foto’s en spieëls toegegooi. Die dooie se naam is ook nie geredelik genoem nie. Ek kan onthou dat my tannie ’n baba gehad het wat by geboorte dood is. Daar was ’n klein graffie langs die mielielande. Almal het net verwys na die graffie, sonder om die baba se naam te noem.

Ek verstaan hoekom daar nie ’n boek is met klinkklare stappe oor hoe om te rou nie. Rou is persoonlik en elke mens doen dit anders. Omdat die hart binne-in rou is.

Jy ervaar elke persoon se dood anders. Elkeen vat op ’n ander manier aan jou hart.

Ek het hierdie week geleer dat rou verskillend beleef en verskillend geleef word. Een persoon se rou is nie beter of minder as ’n ander persoon s’n nie. Ons kan nie aan mekaar voorskryf hoe jy moet voel nie.

Want daar bly ’n gat waar ’n geliefde eens geleef het.

ANNEKANTOE

— LEON FÉRREIRA —

PLEK: HEILBRON SUID-KERK

DATUM: Sondag - 30 Augustus 2026

TYD: 09:30

TOEGANG: GRATIS

Vir enige nuus en advertensies vir die Heilbron Herald

Kontak Hendie 058 852 3033 of heraldnuus@heilbron.co.za
Elsstraat 44, Heilbron

Bronnie Voëljag lok vanjaar bykans 80 jagters



Die jaarlikse Bronnie Voëljag het die afgelope naweek plaasgevind en het weer eens bewys dat dié fondsinsamelingsgeleentheid vir Hoërskool Heilbron van krag tot krag groei.

Die voëljag word deur die skool se beheerliggaam en sy komitee beplan en is vanjaar vir die vierde keer aangebied. Waar die eerste jaar slegs sowat 20 jagters gelok het, het die geleentheid sedertdien aansienlik gegroei. Byna 80 jagters het vanjaar aan die voëljag deelgeneem.

Boere in die omliggende gebied speel ook 'n belangrike rol in die sukses van die naweek deur die jagters op hul plase te ontvang en vir hulle 'n plek te bied om te jag. Die geleentheid is 'n belangrike fondsinsamelingsprojek vir die skool en bring terselfdertyd die plaaslike landbou- en skoolgemeenskap bymekaar.

Vanjaar het die naweek op Albert Els se grond afgeskop met 'n kleiduifskiet, waarna die jagters die res van die naweek die veld aangedurf het.

Onder vanjaar se deelnemers was ook



bekende name, waaronder Pasch du Plooy en Derick Kunn.

Met die voortdurende groei in belangstelling lyk dit asof die Bronnie Voëljag 'n vaste instelling op Heilbron se kalender geword het, met nog groter potensiaal vir die jare wat voorlê.



Vat 'n trek van my twak!

Heilbron se slagyster

1 plus 1 is nie 11 soos mens dalk kan dink of aanvaar nie - so ook is daar baie besluite wat mens dalk aanvaar wat nie wettig is nie!

Wonder wat het geword van die munisipale wette wat voor 1994 op die boeke was?

Met die vorige regering was daar 'n stadsraad wat bestaan het uit gekose raadslede - hoewel nie alle inwoners stemreg gehad het nie. Dan was daar 'n stadsklerk wat alle besluite van die raad uitgevoer het. Die stadsklerk was bygestaan deur amptenare uit elke dorpsdepartement. Dit klink nog reg want die munisipalebestuur was baie doeltreffend. Soms dalk nie baie buigbaar nie, maar plan is gemaak om die dorp se vooruitgang die hoofdoel te maak.


Die punt wat ek wil maak is nie dat daar nou niks meer gedoen word om bevordering aan te wakker nie! Nee ek wonder hoe net dalk is daar net 'n Status Quo.

Interessant is een van die vorige stadsraad se besluite dat geen vragmotor saans na 8 uur in Heilbron mag oornag nie. Daar was redes hoekom die besluit geneem was

Die raad was nogal streng met die toepassing van die wet. Van die raadslede wat dalk na die spertyd in die dorp verkeer het, was gou om die verkeersinspekteur te skakel en te vra om die vragmotor te beboet want daar was oral kennisgewings oor die wet!

Nou die betrokke verkeersinspekteur wat aangesê is om die boete uit te reik was naderhand moeg vir die na-ure se bedrywigheid en het oortyd ge-eis. Dit het die raadslede tot ander insigte gebring en die inspekteur het rustiger geslaap.

Wonder of die "oorslaap" wet nog van toepassing is, want dit wil voorkom asof dit in 'n besigheid



omskep is.

Daar is ook 'n ander "wet" wat dalk wyer strek as net *alhier* - die vragmotorbestuurders wat nie die trok se remme gebruik om stadiger te ry nie maar om die snelheidspedaal te los en die rat te gebruik. Dit veroorsaak 'n baie harde geraas deur die knaldemper wat klink soos "Guy Fawkes" op 5 November.

Die drierigting stopteken by die NG Moederkerk met sy Burgermonument wat op 11 April 1924 onthul is, kan getuig van verkeers-oortredings wat skrikwekkend is. Voertuie insluitende vragmotors verontagsaam die verkeersteken. Dit is soos 'n slagyster wat net wag om af te gaan.

Dalk is daar goeie bestuurders wat grade het om verkeerswette te verontagsaam ten koste van voetgangers wat daar oorsteek om inkopies te doen!

Groetnis en lekker boer!



Byna R12 miljoen se skade in vee- en wildbedryf

Die omvang van die skade wat die afgelope kouefront aan die Heilbron-gebied se vee- en wildbedryf aangerig het, is op 'n geraamde R11,85 miljoen bereken.

Volgens 'n voorlopige skadebepaling van Heilbron Landbou, wat die verliese tydens die kouefront van 10 en 11 Augustus opgeteken het, is 37 boere deur die uiterste weerstoestande geraak. Altesaam 715 stuks vee en 319 wild is in die verslag as verlore aangeteken.

Onder die vee wat gevrek het, is 227 koeie, 102 kalwers, 356 lammers en twee bulle, asook 28 volwasse skape. Die geraamde verlies aan vee beloop R4,88 miljoen.

Die wildbedryf het 'n verdere verlies van sowat R6,98 miljoen gely. Die voorlopige syfers sluit onder meer 175 buffels, 48 swartwitpense, 33 gemsbokke, 26 bontebokke, 16 rooibokke, sebras, waterbokke, rooihartbeeste, blesbokke, 'n nyala en 'n volstruis in.

Die syfers beklemtoon die erns van die kouefront, wat gepaard gegaan het met ysige temperature, sterk wind en reën. Boere in die Heilbron-omgewing het reeds vroeër vertel van groot verliese onder vee en wild. Die volle ekonomiese impak is egter waarskynlik nog groter, aangesien die huidige syfers slegs die verliese verteenwoordig wat tot dusver aangemeld en bevestig is.

Die voorlopige berekening wys ook hoe swaar individuele boere getref is. Moedersdeel het byvoorbeeld 'n geraamde verlies van meer as R4,2 miljoen aan vee en wild aangeteken, terwyl Hoogte se verliese op meer as R4,4 miljoen beraam word.

Intussen word daar op terugvoer van die LUR vir Landbou, Elzabe Rockman, gewag oor verdere ondersteuning aan die boere.

Volgens Johan Germishuys word daar tans ook gewag vir leiding van COGTA oor die hantering van die ramp.

Die hoof van Vrystaat Rampbestuur,

Markes Butler, het egter beklemtoon dat staatsinstellings nie hoef te wag vir 'n formele rampklassifikasie of rampverklaring voordat hulp en noodmaatreëls ingestel kan word nie.

Volgens hom moet munisipaliteite, provinsiale en nasionale departemente reeds hul bestaande rampbestuursplanne, beskikbare hulpbronne en noodprosedures aktiveer om lewens, eiendom en lewensbestaan te beskerm.

Hy het verder verduidelik dat 'n rampverklaring nie outomaties volg bloot omdat groot skade plaasgevind het nie. 'n Verklaring kan wel oorweeg word indien bestaande wetgewing en noodmaatreëls nie voldoende is om die situasie te hanteer nie.

Butler het 'n beroep op gemeenskappe en boere gedoen om druk op plaaslike raadslede te plaas vir 'n rampverklaring, aangesien dit kan help om verdere hulp en ondersteuning vir die gebied te ontlok.

Die totale voorlopige skade van R11 855 200 is 'n ernstige terugslag vir die plaaslike landbou- en wildbedryf. Met verdere skadebepalings wat steeds kan volg, kan die uiteindelijke bedrag selfs hoër wees.

Huppel Trippel verander Noot-vir-Noot in 'n versoekprogram

Dis was 'n heerlike nuwe aanslag - om versoeke uit die 'gehoor' te sing. En die begeleier moes uithaal en wys om al die liedjies onder noot te bring! Maar alles is in 'n ontspanne en aangename gees gedoen. Dis ongelooflik hoe vinnig 2026 besig is om onder ons uit te loop. Die program vir die vierde kwartaal skop af met oefeninge op die maat van musiek. En as dit lei tot 'n lekker Lyndans-sessie, sal niemand kla nie! Die volgende saamkuier sal dan op 8 September in die eetsaal plaasvind.



Martie, ons begeleier, haal uit en wys om by te bly met die versoeke.

Chrizette gekies vir Fezile Dabi-dogterskrieketspan

Chrizette Greeff het op Maandag 17 Augustus aan die Fezile Dabi Hoërskool-dogterskrieketproewe deelgeneem, waar jong krieketspelers meegeding het om 'n plek in die distrikspan.

Haar harde werk en goeie spel het vrugte afgewerp toe sy in die Fezile Dabi Hoërskool-dogterskrieketspan ingesluit is.

Chrizette se insluiting in die span is 'n besondere prestasie en bied haar die geleentheid om haar kriekettalent op distriksvlak verder te ontwikkel.

Looking for the perfect flat to call home?

This well-located and comfortable flat is now available for rental.

The flat is situated at 22 Breë Street, Heilbron, offering a convenient and comfortable living space in a great location.

For more information, please contact Phillip van der Merwe and Partners Inc. at 058 852 2041.

Heilbron VETVEEVEILING

t.b.v. Kleuterkasteel

Maandag, 31 AUGUSTUS 2026 om 11:00 te Veilingskrale

Prysklasse

BEESTE:
Groep van 3 of meer Daurale Supers
Groep van 3 of meer Daurale Vetkoeie
Daurale Bul/Os
Groep van 3 of meer Daurale Speenkalf (160-210kg) R/kg
Groep van 3 of meer Daurale Speenkalf (215-380 kg) R/kg

SKAPE:
Groep van 5 of meer Daurale Groep Oude
Groep van 5 of meer Daurale Stewens (25-35kg) R/kg
Groep van 5 of meer Daurale Vetlamme

SPEZIALE PRYS:
Grootste Koper

Strong bleskruif. Bevestigingsbespreking 48 uur voor die veiling moet in bemark.

Kleuterkasteel
074 509 6368

Hugo Groenewald - 082 569 7205
Arno Swart - 067 069 8383
Anita Els - 073 220 3515

TOP PRYS TE WEN!

Heilbron Suid-Kerk

Kom kuier saam op

29 AUGUSTUS 2026

by ons

Boerebasaar

Begin jou dag met die Windpomp - Draf / Pretstap

Daarna is daar 'n heerlike **Boere Ontbyt** van Pap & Vark kailings.

Ons basaartafels gaan kreun onder heerlike basaar eetgoed uit Ouma se Spens, Ouma se Kombuis en ook **Die Braaikraal & Goue Spiraal** asook ons beroemde **Slaghuis tafel**.

Soos altyd is die pannekoekbaksters gereed! Natuurlik is daar ook Kerrie & Rys, Sosaties en Boereworsrolle, maar die kersie op die koek bly natuurlik **basaarpoeding!**

Pret vir die kleinspan en ook 'n wafferse veiling is ook daar by ons eie basaar!!

Kontak gerus die kerkkantoor vir enige navrae - **076 4281956**

Ons sien uit daarna om saam met julle te kuier!

Boere Kos Heerlike Geselligheid Koop & Kuier

KENNISGEWINGS

KENNISGEWING

Kennisgewing in die **BOEDEL VAN WYLE MATTHYS JOHANNES BEYERS**, Identiteitsnommer: 350818 5018 08 1, in lewe 'n Pensionaris, woonagtig te Eenheid 3, Die Meent, Reitz, 9810, 'n Wewenaar.
Datum van afsterwe: 18 Februarie 2023
Boedelnommer: 002744/2023
KENNIS GESKIED HIERMEE dat die Eerste en Finale Likwidasie- en Distribusierekening in bostaande boedel ter insae sal lê by die kantore van die Meester van die Hooggeregshof, BLOEMFONTEIN, en die Landdros te REITZ vir 'n periode van 21 (EEN EN TWINTIG) dae vanaf datum van hierdie kennisgewing.
Indien geen besware daarteen by die Meester van die Hooggeregshof of by die Landdros binne die gemelde tydperk ingedien word nie, sal die Eksekuteur tot die uitbetaling daarvolgens oorgaan aan Debiteure en Krediteure om bedrae aan die boedel verskuldig te betaal en eise teen die Boedel in te dien binne 30 (DERTIG) dae vanaf publikasie hiervan by onderstaande adres:
MNRE BLIGNAUT & WESSELS
SAREL CILLIERSSTRAAT 29
POSBUS 6, REITZ, 9810

KENNISGEWING

Kennisgewing in die **BOEDEL VAN WYLE JACOBA PHEIFFER**, Identiteitsnommer: 310829 0032 08 3, in lewe 'n Pensionaris, woonagtig te Conventionstraat 15, Reitz, 9810, 'n Wewenaar.
Datum van afsterwe: 28 Augustus 2026
Boedelnommer: 003685/2022
KENNIS GESKIED HIERMEE dat die Eerste en Finale Likwidasie- en Distribusierekening in bostaande boedel ter insae sal lê by die kantore van die Meester van die Hooggeregshof, BLOEMFONTEIN, en die Landdros te REITZ vir 'n periode van 21 (EEN EN TWINTIG) dae vanaf datum van hierdie kennisgewing.
Indien geen besware daarteen by die Meester van die Hooggeregshof of by die Landdros binne die gemelde tydperk ingedien word nie, sal die Eksekuteur tot die uitbetaling daarvolgens oorgaan aan Debiteure en Krediteure om bedrae aan die boedel verskuldig te betaal en eise teen die Boedel in te dien binne 30 (DERTIG) dae vanaf publikasie hiervan by onderstaande adres:
MNRE BLIGNAUT & WESSELS
SAREL CILLIERSSTRAAT 29
POSBUS 6, REITZ, 9810

BESIGHEIDSURE

Maandae - Vrydae:
08:00 -16:30

Saterdag: 09:00 -12:00

Elsstraat 42,
Heilbron

Tel: 058 853 0006

POSTNET

HEILBRON

FOTOSTATE

Swart / Black

A4

1 - 50 Bladsye @ R1-50

51+ @ 80c

A3

1 - 50 Bladsye @ R3-00

51+ @ R1-50

Volkleur / Colour

A4

1 - 10 Bladsye @ R5-00

10+ @ R4-00

A3

1 - 10 Bladsye @ R10-00

10+ @ R8-00

WINKELURE

Maandae tot Donderdae: 07:30 - 17:00

Vrydae: 07:30 - 16:30

Saterdag: 08:30 - 13:00

Elsstraat 44
Heilbron

Tel: 058 852 3033

E-Pos:
heraldwinkel@heilbron.co.za

Herald

Office National

CALENDAR 2027

Heilbron Herald Pricelist

Prices include VAT and a standard design

Heilbron Herald

44 Els street,
Heilbron, 9650

herald@heilbron.co.za

058 852 3033

083 495 5512

A4 Wall Calendar

Full Colour Print on Glass Board, 297x210mm

Punched Hole Top, 12 Month View

Qty	Deposit	on Delivery	Total
30	R 230	R 200	R 430
50	R 280	R 280	R 560
100	R 360	R 350	R 710
300	R 700	R 620	R 1 320
500	R 1 000	R 980	R 1 980
1000	R 1 800	R 1 720	R 3 520

A3 Wall Calendar

Full Colour Print on Glass Board, 420x270mm

Punched Hole Top, 12 Month View

Qty	Deposit	on Delivery	Total
30	R 240	R 220	R 460
50	R 360	R 320	R 680
100	R 500	R 500	R 1 000
200	R 850	R 800	R 1 650
300	R 1 240	R 1 000	R 2 240
500	R 1 740	R 1 700	R 3 440
1000	R 3 350	R 3 200	R 6 550

Folded Triangular Desk Calendar

Full Colour Print on Glass Board, 210x270mm

Triangular Desk Calendar, Three Viewings side

Qty	Deposit	on Delivery	Total
300	R 780	R 750	R 1 530
200	R 1 050	R 1 000	R 2 050
300	R 1 240	R 1 200	R 2 440
400	R 1 460	R 1 400	R 2 860
500	R 1 650	R 1 600	R 3 250
1000	R 3 000	R 2 740	R 5 740

Wiro Tent Desk Calendar

Full Colour Print on Glass Board,

Reglemded, Fold Over Pages, 3 Month View

Qty	Deposit	on Delivery	Total
50	R 880	R 800	R 1 680
100	R 1 430	R 1 300	R 2 730
200	R 2 530	R 2 400	R 4 930
500	R 4 720	R 4 720	R 9 440

A3 Wiro Wall Calendar

Full Colour Print on Glass Board, Wirobind Top,

Month to View - Front Page, 297x420mm

Qty	Deposit	on Delivery	Total
5	850	800	R 1 650
50	2500	2500	R 5 000
100	4800	4800	R 9 600
200	7620	7500	R 15 120

A3 Desktop Calendar

Full Colour Print on Bond Paper - Backing Board,

Month to Month View, 297x420mm

Qty	Deposit	on Delivery	Total
10	530	R 500	R 1 030
50	1590	R 1 590	R 3 180
100	2620	R 2 620	R 5 240
250	5300	R 5 000	R 10 300
500	9000	R 8 800	R 17 800

A2 Desktop Calendar

Constant Colour Background Print on Bond Paper,

Only Black Colour Changes - Backing Board,

Month to view, 420x310mm

Qty	Deposit	on Delivery	Total
50	7000	R 6 400	R 13 400
100	8290	R 7 000	R 15 290
200	10180	R 9 000	R 19 180
500	14680	R 12 000	R 26 680

Fridge Magnet Calendar

Full Colour Print directly on Fridge Magnet,

12 Month View, 200x220mm

Qty	Deposit	on Delivery	Total
10	250	300	550
50	880	800	1680
100	1570	1500	3070

A5 Custom Printed Diary

Standard 174 Black Inner Pages,

12 Monthly Planner, Year Planner, 1 Week to view

Custom Cover Laminated, Wire Bound

Qty	Deposit	on Delivery	Total
5	R195	R 0	R 195
10	R130	R 130	R 260
10	R170	R 750	R 1 590
20	R1 500	R 1 230	R 2 730
50	R3 200	R 2 940	R 6 140

2027 Dagboeke

NOU BESIKKBAAR

Elisstraat 44, Heilbron

Tel: 058 852 3033

Herald

Office National

SELF-INKING STAMPS

YOUR TEXT

SELF-INKING DATER STAMPS

Elisstraat 44, Heilbron

Tel: 058 852 3033

Herald

Office National

Neem asb kennis dat sperdatum vir Advertensies en

Bydraes vir Vrydae se koerant Woensdae om 10:00 is.

Elisstraat 44, Heilbron

Tel: 058 852 3033

Herald

Office National

POSTNET HEILBRON

COLLECTION & DELIVERY

Between Heilbron And The Vaal Triangle

EVERY MONDAY, WEDNESDAY & FRIDAY

R150 per parcel

SASOLBURG

VEREENIGING

VANDERBIJLPARK

BETWEEN MEYERTON AND HEILBRON @ R200 PER PARCEL

heilbron@postnet.co.za | 058 853 0006 | 064 988 6078

POSTNET HEILBRON

SMALLS

Vir enige nuus en advertensies vir die

Heilbron Herald

Kontak Hendie 058 852 3033 of

heraldnuus@heilbron.co.za

Elsstraat 44, Heilbron

DIENTSTE

BAAL / SNY & BAAL

Vir die maak van voer, vanaf sny tot baal of slegs baal. 1.2m bale (tou/net). Velde of wenakkers.

Petrus Steyn, Frankfort, Heilbron en Lindley.

KONTAK JACO MEIRING

082 851 6158 OF

PIET MEIRING 082 571 4191

peerlandhandel@gmail.com

BAAL / SNY & BAAL ...

Vir sny-, hark- en baalwerk.

Kontak Evert Kleynhans

072 018 3685

Heilbron

DUPNO Trading

AUGERS

GRAANDAMME

SINKDAMME

BUNKERS

AFLAAIBAKKE

Kontak:

Ryno 073 268 7565

ryno.dupno@gmail.com

BIBLIOTEEK OOP

Piercestraat 66 • Heilbron

Heilbron Biblioteek is VYF DAE per week oop vir die publiek en die tye is as volg:

Maandae tot Vrydae - 09:00 - 13:00

(Volwassenes) en 14:00 - 17:00 (Kinders)

Biblioteek is gesluit op Saterdag, Sondag & openbare vakansiedae.

GEKLASSIFISEERD

Die Heilbron Herald word uitgegee en gedruk deur die eienaars Heilbron Herald (Edms) Bpk, Elsstraat 44, Posbus 166, Heilbron

Tel: 058 852 3033/4/5

www.heilbronherald.co.za

E-POS ADRESSE

• Abrie Watson abrie@heilbron.co.za

• John Watson john@heilbron.co.za

• Winkel heraldwinkel@heilbron.co.za

• Kobus kobuss@heilbron.co.za

(Wyeformaat produksiebestuurder)

WhatsApp Nr. 081 889 8192

• Silma marketing@heilbron.co.za

herald@heilbron.co.za

(Korporatiewe klere, oorpakke, kommersiële drukwerk ens.)

WhatsApp Nr. 083 495 5512

• Carian heraldgraphics1@heilbron.co.za - (Kommersiële drukwerk & koerantbydraes)

• Delareyz finance@heilbron.co.za - (Rekenings, state ens.)

• Christelle heraldoffice@heilbron.co.za - (Bestellings ens.)

• Hendie heraldnuus@heilbron.co.za - (Koerantbydraes)

• Marlene (Proeflees van koerant)

• Cara heraldgraphics2@heilbron.co.za - (Wyeformaat drukwerk, plakkers ens.)

• Elsabé heraldgraphics2@heilbron.co.za - (Wyeformaat drukwerk, plakkers ens.)

WhatsApp Nr. 066 056 1601

• heraldnuus@heilbron.co.za - (Koerantbydraes, advertensies)

Koerant sirkuleer in Heilbron, Petrus Steyn, Frankfort, Reitz en asook digitaal versprei op Heilbron se Facebook-blad en webwerf.

Menings en opinies wat uitgespreek word in briewe en rubrieke, is dié van die individue en weerspieël nie noodwendig die siening van die redaksie nie.

Heilbron Rolbalkklub beëindig drie jaar lange verloorstreep

Die Heilbron Rolbalkklub het die afgelope naweek weer die pad na Sasolburg aangepak vir hul jaarlikse kragmeting teen die Sasolburg Rolbalkklub.

Dit was vanjaar die vyfde keer dat die twee klubs mekaar die stryd aangesê het. Heilbron het die eerste jaar gewen, maar moes daarna drie jaar agtereenvolgens die knie buig. Vanjaar se oorwinning was daarom besonder belangrik vir die Heilbron-lede.

Byna die hele klub het na Sasolburg gereis om aan die dag deel te neem, wat

vir 'n besonderse gees en goeie ondersteuning langs die bane gesorg het.

Die Sasolburg Rolbalkklub het die Heilbron-span hartlik ontvang, en hul gasvryheid is opreg waardeer. Die dag het gesorg vir goeie gees, met goeie sportmanskap en ewige vriendskap tussen die twee klubs.

Die oorwinning beteken dus meer as net 'n wen op die telbord – dit was 'n besondere dag van rolbal, vriendskap en die voortsetting van 'n jarelange klubtradisie.



Op die foto bo lede van Heilbron Rolbalkklub vier hulle oorwinning saam.



Op die foto vl: Don Watt-Pringle (Visie President SBC), Poon Schoeman en Edward Muller.

Kransfontein Resiesduif Klub

Op Saterdag, 22 Augustus 2026 het die Kransfontein Resiesduif klub vanaf Richmond gevlieg en die wendui is om 07:15 gelos en die wendui is om 14:14 geklok op Reitz. Die afstand wat die wendui gevlieg het was 589 kilometers. 8 Lede en 335 duive het deelgeneem.

1. Spartan Pigeons 3
2. Wolmarans & Swart B
3. Inkwe Loft
4. Wolmarans & Swart B
5. Inkwe Loft
6. Inkwe Loft
7. Spartan Pigeons 2
8. Du Plessis Hokke
9. Wolmarans & Swart B
10. Inkwe Loft



Op die foto is Willem Muller van Spartan Pigeons 3 met die wendui nommer 3354.

PitStop vir JESUS

Danie Lodder

19 September om 14:00, Heilbron-Suid Kerkzaal, Gratis Ingang & Ete

Ek dek die tafel van my lewe

Bespreek teen 16 Sept
Tanya: 083 975 8264
Alet: 060 518 1775

OPKOMENDE JEUG SKIETDAG
Kom wys jou skietvermoe!

RIEMLAND JAGTERSVERENIGING

12 September 2026
Leeuwpoort Skietbaan, Heilbron
R100 per inskrywing.

KATEGORIEË:

- Graad R - 3**
Windgeweer - 5 skote
.22 - 5 skote
- Gr 4 - 7**
Windgeweer - 5 skote
.22 - 5 skote ; Jaggeweër - 5 skote
- Gr 8-12**
Windgeweer - 5 skote
.22 - 5 skote ; Jaggeweër - 5 skote
- Ouer & Kind @ R50/inskrwing**
Jaggeweër - 2x3 skote

KONTANT PRIJSE TE WEN!

Lisensiehouers moet teenwoordig wees.
Inskrywings sluit 11 uur.
Verversings beskikbaar.

VIR DIE BEMARKING VAN U VEE, KONTAK:

HUGO GROENEWALD - HEILBRON
082 569 7205

ARNO SWART - EDENVILLE/PARYS/KOPPIES
067 069 8383

ANITA ELS - GOTTENBURG/WEIVELD
073 220 3515

SKAKEL GERUS ENIGE VAN ONS BEMARKERS
VIR U KRAAL BESPREKING

BKB

BELANGRIKSTE veilings

MAANDAG - 31 AUGUSTUS 2026

BADPLAAS Weeklikse veiling
Kontak Themba Shongwe 076 557 9346

GILEAD Kwartaliese veiling
Kontak Christiaan Louw 072 851 3674

DINSDAG - 1 SEPTEMBER 2026

WARDEN Jaarlikse Vetvee veiling
Kontak Francois Duminy 082 528 1899

UITVAL Maandelikse veiling
Kontak Enrico Williams 078 937 0923

NEWCASTLE Maandelikse veiling
Kontak Riaan Ferreira 082 372 9454

POTCHEFSTROOM: NW DORMER GROEP VEILING
11:00, Veilingskrale
Kontak Nico Jacobs 082 892 4036

DAVEL: HoëVELD SA VLEISMERINO KLUB
11:00, The Bull Ring
Kontak Erik Heymans 083 331 1811

WOENSDAG - 2 SEPTEMBER 2026

WITBANK Weeklikse veiling
Kontak Rocco v Rooyen 082 799 2776

FOURIESBURG Vetvee veiling
Kontak Schalk Burger 076 070 1411

GROENVLEI Maandelikse veiling
Kontak Molie Mentz 083 229 2500

DONDERDAG - 3 SEPTEMBER 2026

FRANKFORT Weeklikse veiling
Kontak Deon Stegmann 079 878 2109

KROONSTAD Weeklikse veiling
Kontak Schalk Jonker 073 007 0022

ERMELO Weeklikse veiling
Kontak Boet-Jan vd Wath 072 626 9242

DUNDEE Twee-weeklikse veiling
Kontak Enrico Williams 078 937 0923

BRANDFORT: NELLO DOHNE MERINO STOET VEILING
11:00, plaas Ofra
Kontak Henton Minnaar 082 772 2059

VRYDAG - 4 SEPTEMBER 2026

BETHLEHEM Weeklikse veiling
Kontak Schalk Burger 076 070 1411

STANDERTON Weeklikse veiling
Kontak Carel Davel 082 331 1811

POTCHEFSTROOM Jaarlikse veiling
Kontak Salty de Villiers 073 816 4956

BLOEDRIVIER/NQUTU Maandelikse veiling
Kontak Riaan Ferreira 082 372 9454

SATERDAG - 5 SEPTEMBER 2026

PARYS: NASIONALE BRAHMAN VEILING
11:00, Afridome
Kontak Piet Wessels 082 857 7827

BKB LIMITED
61 GRAHAMSTOWN RD, NORTHEND,
PORT ELIZABETH, 6001
BTW NR.: 4 100101338 REG NR.: 1998/012435/06